


寶晉山林集拾遺

一



據中國國家圖書館藏宋嘉
泰元年筠陽郡齋刻本影印
原書版框高二十三·二釐
米寬十五·六釐米

清中葉國子監藏宋嘉
泰元年鈔陽湖縣刻本影印
原書版框高二十二、二釐
長寬十五、六釐米



寶晉山林集拾遺目錄

南宮舍人米公篆書

第一卷

古賦四首



參賦

壯觀賦

金山賦

馬賦

第二卷

古律詩



寶晉山林集拾遺目錄



南宮舍人米公墓誌銘



第一卷

古賦四首

參賦

壯觀賦

金山賦

馬賦

第二卷

古律詩

自漣漪寄薛紹彭

再寄薛紹彭

寄題薛紹彭新收子敬帖

硯越帛學書寄薛紹彭劉涇

劉涇收得子鸞字帖云是右軍余

恐是陳子鸞薛紹彭亦云六

朝書又得梁武像余時在漣

漪荅以詩云

劉涇收唐絹本蘭亭

題蘇中令家薛稷鶴

題子敬范新婦唐模帖

蕭閑堂詩并序

甘露歌上呈留守門下侍郎

上相國汲公

同周文之劉瑞邁章縱矩遊浮玉

題永徽中所撫蘭亭

太師行寄王彥舟

天雞

晉陵龍掛行

題僧巨然海野圖

硯山

發潤州

讀杜甫集

東坡居士作水陸于金山相招足

瘡不能往作此以寄之

栖雲閣

過虎關

荅紹彭書來論晉帖誤用字

甘露寺悼古并序

題麟鳳碑

題南昌縣君臨偃竹

詩送吳賓州

送孫大夫鎮東陽

東坡挽詩并序

奉陪洞霄內閣拉殊師利宿穹窿

登本公故寺絕類岳麓感之而作

浮玉亭

湘江亭觀潮

山林堂

淨名二

除書學博士呈時宰

送沂州使君納政榮歸

送水丘先生入都

送潘景純

登樓靈塔

將行戲呈彥楚彥昭彥舟

遊山光寺

江臯晚泊

書壽陽樓柱

和王彥舟

揚州作

湖守同遊道場山

呈王彥舟

奉酬仲微見寄之作

雜詠三

垂虹亭

去漣水

頻夢作宮詞

別賀方回第

題畫

目錄

四

六右

賞心亭望

蕭堂書壁

題第一山

書秀淮亭

寶應道中

高郵即事二

過浯溪

詠晉帖

雜詠三

瓜州百川浦

致爽軒四

淨名二

又淨名一

題嗣濮王蓋廬二

題所得蔣氏帖

荅薛紹彭寄書

荅劉涇書

庖丁解牛刀

明月歌二

菱溪石

僧舍假山

智訥草書

吳侍禁綠野亭

溪蓮行

荅郭純老秘校贈措笏

攬秀亭

漣漪瑞墨堂書

雜詠二

送大郎應舉

奉呈彥昭使君陪壯觀之賞

寄吳詩客

奉詔書御屏風

詠梅二

宿紫極宮

道林

法華堂

筆

墨

紙

硯

紀慶生申

周氏園居

山

六

登米老庵

同官送鱸二

觀雪

新沼未有水

淨名作

游湖州

沈主簿惠棊局

求監廟作

維揚後齋為蔣使君寫二

贈人

題砂步

題壁間

鄙詩上通判大夫

文殊

致爽軒二

長壽庵詠梅

第三卷

長短句

西江月

菩薩蠻

十一

山林目

七

七

水調歌頭

漁家傲

醜奴兒

滿庭芳

減字木欄花二

點絳脣

阮郎歸

蝶戀花

訴衷情二

鷓鴣天二

第四卷

楚詞贊銘偈碑表記序跋帖雜說

壯觀楚辭

蘭亭帖贊

王略帖贊

王右軍帖贊

王謝真蹟贊并序

唐文皇手詔贊

歐庾帖贊有序

書法贊

山本

八

集

十八羅漢贊

法雲寺佛國禪師真贊

李邕帖贊

晦堂心如來真贊

坐右銘

臨化偈

焦山普濟院碑

顏魯公碑

戴公之碑

露筋之碑

樂圃先生墓表

王侍御廟記

淨名齋記

仰高堂記

九雋老會序

正六譯波羅密經序

書楞嚴經序

跋謝安石帖

跋褚遂良臨蘭亭帖

跋李邕帖

跋王右軍帖

跋晉帖

跋晉唐帖

跋唐模帖

淨手帖

荅人求寶硯帖

求薦帖

論書格

書祥瑞

書呂溱事

寶晉山林集拾遺目錄
題特古良醫妙技

雜說十三段

到任榜

六順曉示

論書學劄子

第五卷

寶章待訪集

目觀上

的聞下

第六卷

書史

第七卷

畫史

第八卷

硯史

寶晉山林集拾遺目錄

故南宮舍人米公墓誌



左承議郎敷文閣待制蔡肇

崇寧五年甲子六月制詔今四方承平百揆時叙小大之政畢舉增光繼志臨古絕尤獨書畫之學未有高世絕人之風殆勸礪之不至也其議投試簡拔之法著為律令建官養徒庶幾異時彬彬者有紀焉於是六藝之學以次開設矣是時元章名能書適官太常一旦奉詔以黃庭小楷作千文以獻繼進所藏法書名畫賜白金緡錢甚腆方民間競以前代筆蹟來上萃之秘府號宣和御覽纔及百秩特詔丞相太師楚國公跋尾公亦被旨預觀搢紳以為榮遇已而出知常州不赴改管句洞霄宮未幾就除知無為軍踰年復召為書畫學博士便殿賜對詢落逮畧因上其子友仁所作楚山清曉圖既退賜御書畫扇各二遂擢為禮部員外郎復以言者罷知淮陽軍彌年痒生其首即上書謝事不許以某年月日卒于郡廨享年五十有七遺令送終



皆有治命賻其家以百緘不以被受文書
官其子皆特恩也公諱芾字元章世居太
原後徙襄陽自其曾高以上多以武幹官
顯父光輔始親儒嗜學公生秀穎六歲日
讀律詩百首一再過目輒背誦稍長博記
洽聞於書務通大略不喜從科舉學議論
斷以已意其說踔厲世儒不能屈也刻意
文詞不剽襲前人語經竒蹈險要必已出
以崖絕魁壘爲工作字道勁晚更沉著雜
有晉唐風流尤善臨模至能亂真其畫山

水人物自成一家尺縑寸紙人以爲玩四
方碑榜咨請踵至所著詩賦諸文凡百卷
號山林集宣已子聖度錄正韻雜說又數
十卷平居超然若不能事事至官下則率
職不苟喜爲教戒吏民初以爲煩已而安
之時亦越法縱舍有足大者家故饒財旣
仕悉以分族人後貧不以爲悔遇古書名
畫必極力購取得之乃已余昔相遇於都
城敗屋僦居客至亨飲出諸竒相與把玩
嘯詠終日所至喜覽山川擇其勝處立字

製名後來莫之廢也過潤愛其江山遂定
居焉北固旣火作庵城東號海岳日哦其
間爲吾州佳絕之觀平生與遊多天下士
蜀道劉涇長安薛紹彭好竒尚古相與爲
忘形交風神蕭散是其一流人也舉止頡
頑不能與世俯仰故仕數困躡冠服用唐
人規制所至人聚觀之性好潔置水其旁
數頰而不悅未嘗與人同器服視其眉宇
軒然進趨檐如音吐鴻暢雖不識者亦知
爲米元章也少與禪人慕詰遊詰以爲得

法其逝不怛作偈語有倫父仕致左武衛
將軍贈中散大夫母閻氏贈丹陽縣太君
旣卒始葬潤州黃鶴山以中散祔初宣仁
聖烈皇后在藩與丹陽君有舊故公少長
邸中以后恩入仕初補秘書省校書郎授
含光尉七遷入淮南幕改宣德郎知雍丘
縣乞監中岳廟授漣水軍使除發運司句
當公事蔡河撥發入奉常爲博士三加勳
服五品娶許氏封寧國縣君有賢行五男
長即友仁也補將仕郎辭藝能世其家餘

早卒八女子適進士喬袞文禧老南康軍
教授段拂承奉郎吳激餘未嫁孫男女各
一人以大觀三年六月某日葬丹徒長山
下余元豐初謁荆國王文公於金陵公以
詩篇贄見文公於人材少所許可摘取佳
句書之便面余由是始識公故爲之銘銘
曰

米胄楚出自鬻鬻分仍世勇爵史載芬旣極
而遷稟不群生怜野雉憎家鷓掉弃講決
習典墳君纒弱冠藝且文豪氣激越蕩乾

坤劇談四座寂不喧冠巾詭製旁朝批浣
衣濯帶肌疥駮手板拄頰送飛雲邈晉千
載風流存鍾王已往楷法紛後生不復窺
完渾臨池幾年墨練裙句法甫白相弟昆
造設雄險驚頑昏文成揮掃千兔髡蛟蚓
着帑尾角騫尺牘藏去珍瑤琨一官翫麟
諸侯門孰視試一引手援南宮坐曹席未
溫世間巧語工織紋瀕淮出守朱兩轡三
仕三已無戚欣視身噐貯百蚋蚊思坐海
岳窮朝曛暮年消中病文園踰月止酒不

茹葦却乘冷風反衆薰西山增峻星可捫
其陰大江鬱東奔噴沙發石漂無垠氣象
歷落宜置君欲酌中濡采芳蓀生芻舍莫
宿草根尚書局促駒伏轅追撫徃實詔九
原吾文坐荒失鋤芸爲歌銘詩下招魂巫
咸上天誰復聞薄暮雷電歸叫閻駛雨忽
作九河翻

寶晉山林集拾遺卷第一

古賦

參賦

武帝既祠太一受釐頌胙意得氣泰神怡志豫閱符合瑞至于嚮暮於是升通天之臺攬沈寥之路覩三星聯影晻然當戶顧侍臣曰是何星也侍臣枚臯進曰參星也帝曰是何主對曰是主民帝曰可得聞其晻歟臯曰臣之淺學佻儕優隊捷語翩言奉歡承話稱道盛德受况甚大此大對也

臣不敢帝曰先生無辭臯乃跽而進曰自周衰道喪百里一王嗜欲加僭民財用傷貪如碩鼠墮號鷄梁匪鳶匪鮪或潛或翔至于暴秦襲冕而狼趙郊坑肉魏野封瘡粵嶺山斷遼海城長驪丘虛地阿房繡墻則是星也晻晻而無光帝曰亦嘗有明乎曰有古有治君曰堯與禹敬時命官以民為主民知樂生鼓腹歌舞次逮成湯視民如傷一夫不獲如己納隍周之文武迄于成康道德化洽禮義興行刑厝不用至于

百齡則是星也亦嘗燁燁而晶熒帝曰宜乎自此不復有光矣曰有昔秦錄不究上天悔亡乃命高祖匹夫奮張一洗世亂惠綏四方化其姦宄約以三章及我文景恭儉惇朴隱卹賑周德澤甚渥太倉積紅腐之粟司農朽不校之索則是星亦嘗燁燁而灼灼今陛下承累世之休光翕五福於仰戴坐明堂神明之會據建章珍陸之海臣萬國朝四裔名王系於祈連宛馬來於天外致赤鴈駮庶之異物獲寶鼎芝房之珍怪名在百王之上游惠並五帝之左界而乃晻晻而無光臣臯所以堙鬱而未快逡巡而不對也古訓有言曰民猶水也可以載舟可以覆舟言未及休命蓋陳鈞寢不得寐三起問籌翌旦坐明光殿封富民侯

壯觀賦

米元章登北山之宇徘徊四顧慨然而歎曰壯哉江山之觀也開闢曩古逝哉邈矣帝惠所被北幽南趾王功未宣六合阻異

明翳視其消長來叛從而間起去古無章
水濱莫委比世可悼晉裂漢毫披秦芟莽
且代且盜豈地具而天設特資獯而附暴
者乎乃物偶然而人乘以智巧尔若夫真
符秉中萬派朝宗稽顙納質不黷兵鋒版
圖入而地合氛祲廓其大同遠琛近賈千
里不風鑑湛一色折葦可通其或弱吹砌
鱗疾焱湧山九地出沒千峯上攢如領並
亘連雲俱還長鯨齒巨天吳腹班閏運未
既生民道艱宜乎曹郎託詞以按甲怫鬱
而永歎也吾每登是宇攬是土當日杲天
清嵐開練布邀太平君子引吳醇舞越女
破千歲之長憂擲森然之萬古有把初登
由儀再旅至甚醉而乃去也

登黃鶴臺下臨金山賦

余登黃鶴之高臺臨紫金之竒岫下風輪
以槃根中百川而露秀抱群山之勝勢儼
化城之寶構二塔立而角具五洲落而珠
闔幽怪集而洪鍾舉梵侶萃而香積奏泛
海濤以出像過龍宮而一嗅水府明威以

護法神龍降光於秘呪航冥陽之津迷會
四海之奔走其或浮玉焦山之名掩霧石
牌落潮倒洪流而夜響接淡墨其難描靈
鼉屹乎波起天花雨而仙遨有時江練夜
白秋清月高冰壺無底下徹秋毫吾嘗中
濡弭撤寒露泫袍追夸父以逐日呼龍伯
以連鰲得長鯨而可跨或拔劍以逐蛟吾
方老丹徒此戲卒未艾也每回輿茲臺招
酒侶命文豪劇太平藻飾之談以窮年而
逍遙也

馬賦

高公繪君素家有唐韓幹圖于
闡所進黃馬馬翹舉雄傑余感
今無此馬故作賦云

方唐牧之至盛有天骨之超俊勒四十萬
之數而隨方以分色焉此馬居其中以爲
鎮目星角而電發蹄以風迅鬣龍顛
以孤起耳鳳聳而雙峻翠華建而出步閭
闔下而輕噴佷駑群而不嘶橫秋風以獨
韻若夫躍溪舒急冒絮征叛直突則世充

項繫橫馳則建惠首斷皆絕材以比德敢
伺蹶而致吝豈有浪逐苜蓿之坡蓋當下
視八方之駿高標雄踣而獅子攘獐逸氣
下褻而照夜矜穩於是風靡格頽色妙才
駘入仗不動終日如坏乃得玉爲銜飾繡
作鞍僿棗綦粟秣肉脹筋埋其報德也則
不如偷盧噬盜策蹇勝柴鑄金蝸而吐水
盡白澤以除災但覺馳垂就節鼠伏防猜
怒雖甚厲馴號斯諧誓俛首以畢世未伏
櫪以興懷嗟乎所謂莫風頓盡冗長高排

若不市駿骨致龍媒如此馬者一旦天子
巡朔方升喬岳掃四夷之塵校岐陽之獵
則飛黃腰裏躡雲追電何所從而遽來
寶晉山林集拾遺卷第一



